

《大方廣圓覺修多羅了義經導讀》補充講表

◎附表六（以下糅合諦閑大師《圓覺經講義親聞記》、通理大師《圓覺經析義疏》）

○一切如來，本起因地，皆依圓照清淨覺相，永斷無明，方成佛道。

◆本起因地，即最初根本。最初發心是此地，後成佛道亦是此地。地者，心地也。因真而後果正，最關緊要。覺相之相，是真實相。所謂無相之相，即性是也。

◆最上利器，故先明成佛根本，起於因地。若因地不真，果招紆曲。故當首示所依也。言「皆依」者，不惟一佛如此，佛佛無不皆然。

◆圓照句大須注意。覺相的相字，宜作「性」字看，所謂無相之相，即性相不二之實相也。狀同淨鏡，性若澄空，煩惱不能昏，諸塵不能染，故曰：清淨，此指本覺之體也。

◆惟有靈光獨耀，智與理冥，如孤月圓明，晴虛獨朗，始稱圓照，謂圓滿普照也。前文云：

身心寂滅，平等本際，圓滿十方，不二隨順。此圓照之功，即隨順不二之境也。

◆一照一切照，乃曰：圓照，必須從此下手，故曰：依。喫緊功夫，即在圓照二字。吾人一念斷無明，即一念是佛。後念無明復起，又成眾生，必須念念圓照，念念是清淨覺相。

○云何無明？善男子！一切眾生從無始來……妄認四大為自身相，六塵緣影為自心相。

◆首句承前徵起。上云：永斷方成，但不知無明何似，故承前而徵起之。

※《大乘百法明門論直解》云：「無明者，亦名為癡。於諸理事，迷闇為性；能障無癡善根，一切雜染所依為業。」

※《唯識心要》卷六云：「一切雜染，即指三界煩惱業生。」

※《唯識心要》卷六云：「癡，即無明，乃諸煩惱根本。不破無明而能斷諸煩惱不可得也。

然於諸理事明解，則名無癡；於諸理事迷闇，則名為癡。當知理，即空中二

理，事即俗諦差別因果作用實事也。迷於中理，名根本無明。迷於空理及迷事者，皆名枝末無明。解中理者，名為中觀；解空理者，名為空觀；解諸事者，名為假觀。是故理事二名，攝盡三諦。解迷二種心所，攝盡三惑三觀。」

△枝末無明：又云：見修，四住，染污無知，取相惑，通惑，界內惑。雖名不同，但見思耳。

◆無始來者，遠指晦昧真心，即最初根本無明。近指一念忽起，即現在枝末無明。

◆「種種顛倒」：如凡夫非常計常，非樂計樂，非我計我，不淨計淨，此四榮顛倒。二乘常計無常，樂計非樂，我計無我，淨計不淨，此四枯顛倒。顛倒即是無明。一切眾生，包九界而言。世間六凡，有枝末無明。出世三聖，有根本無明。無明未斷盡，即不免輪迴。

◆雖知顛倒，未明因何法起，故以妄認身心而釋之。四大：指地水火風假合，本無實體。認為自身有一個我，即是執我。認此身為實有，即是執法。本不當認而認，故稱妄認。

◆妄認即執，執妄故輪。何以執妄？由有種種顛倒。


△妄認六塵緣影為自心相（緣影的緣乃指能緣見分，影乃指所緣的境界，即是相分。）

※《大乘百法明門論直解》云：「就此第八識所變依正二報之相，眼識緣之，即名為色。

此色即是眼識相分，乃托第八識之相分以為本質，自於識上變相而緣，喻如鏡中之影，未嘗親緣本質色也。」

◆前六識（猶如照相機）所緣之六塵，乃是所照出來的相片，未嘗親緣本質色也。

◆前六識等緣境（本質相分），為影像相分，猶如照片。



↓ 影像相分：

↓ 本質相分（六塵）：第八識所頓變之依正二報。

※《成唯識論觀心要》卷八云：「又六塵緣影，祇是獨頭意識相分。而大佛頂經之中，阿難

妄認為心，不啻迷頭認影，故如來直斥之曰：咄！阿難，此非汝心，此是前塵虛妄相想。」這在在的說明六塵緣影乃第六識（獨頭意識）所緣

之相分，即是第六識所變法塵之影像。

※《大佛頂經文句》卷第一云：「前塵虛妄相想，正圓覺所謂六塵緣影是也。六塵是識家相分，今此但是六塵之影，現於見分中者，尚非識之見分，況是自證、證自證耶？而誤認以為心，非惟不是真心；亦復不是妄心矣，故直斥之曰：此非汝心也。若夫識之見分，則靈明昭徹，無體無相，雖全在妄，亦更無此影像可得。……是知阿難所計，雖曰能推，實則僅是所推影子，決非真能推者。以能推者，實無體相可得故也。後世不達，即指此緣影以為六識，其亦不知六識甚矣。」

○譬彼病目，見空中華，及第二月。（赤眚：指眼翳，即眼睛表面一層薄膜，會影響視覺。）

◆目指清淨眼，喻本覺真智。病指白翳（音益）赤眚（音省），喻根本無明。病目者，有

病之目。目既有病，則所見不真，喻眾生妄見。空指晴明空。月指清明月。空本無華，

月亦無二，皆喻本覺真理。第以目有眚翳，而見空有狂華（身相），天有二月（心相）。

○善男子！空實無華，病者妄執。由妄執故……由此妄有輪轉生死，故名無明。

◆空實無華：舉空華攝二月故。意謂本覺性中，惟如如智及如如理。所謂智亦如，理

亦如，一如無二如。喻如淨明眼，見清明空，唯有晴虛，迴無所有。那有四大之身相，緣影之心相。今所以有此身心者，因無明妄見而有。大似空華二月，因病目似見而有也。

故曰：病者妄執。

◆亦復迷彼實華生處：意顯因無明妄見，執此身心二相，是真性中實有，而不知真性中惟有如智如理耳。更有迷之甚者，不但迷真起妄，而又將妄作真。迷惑妄元：言實華生處，喻諸妄之根元也。妄元指無明，以無明為身心之根故。上來惑空性，是迷真體。迷生處，是惑妄元。迷真體則不能修真，惑妄元則不知斷妄。